



გამარტივებული ელექტრონული ტენდერი აუქციონის
გარეშე საშუალებით
ნაძალადევის რაიონის ტერიტორიაზე არსებული 22 საჯარო სკოლის სოციალურად
დაუცველი და წარჩინებული მოსწავლეებისთვის სპორტულ -გასართობი
ლონისძიების (კარტინგი,მაგიდის ჩოგბურთი,ბილიარდი) ორგანიზების
სახელმწიფო შესყიდვის

სატენდერო დოკუმენტაცია

CPV- 92600000

1. ინფორმაცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. ვებ. გვერდი <http://procurement.gov.ge/>

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ა.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. მის: ქ. თბილისი, სანჯონა კ.16 მ/ტ ნაძალადევის რაიონის გამგეობის ადმინისტრაციული შენობა. საკონტაქტო პირი მარიამ გუჯეჯიანი ტელ: 599308866

2. ტექნიკური დავალება

2.1 შესყიდვის ობიექტია:

ნაძალადევის რაიონის ტერიტორიაზე არსებული 22 საჯარო სკოლის სოციალურად დაუცველი და წარჩინებული 15-18 წლამდე ასაკის მოსწავლეებისთვის **სპორტულ-გასართობი** ღონისძიების ორგანიზება: ტურნირი კარტინგში, ბილიარდში და მაგიდის ჩოგბურთში; სხვადასხვა გასართობი აქტივობები: კაროკე, 7D კინოთეატრი, ტირი, სათამაშო ავტომატები, ეარ ჰოკეი; მინი ალაფურშეტი .

ალაფურშეტის მენიუ:

	დასახელება	განზომილება	რაოდენობა
1	სასმელი წყალი: ცალი, 0.5 მლ	ცალი	220
2	ხაჭაპური (4 ნაჭრიანი)	ცალი	60
3	ლობიანი (4 ნაჭრიანი)	ცალი	60
4	პიცა (4 ნაჭრიანი)	ცალი	60
5	ნამცხვარი (შუ ან ეკლერი)	ცალი	220
6	გაზიანი გამაგრებელი სასმელი (0,5 მლ)	ცალი	220

2.2 გასაწევი მომსახურება:

2.2.1 ერთდღიანი სპორტულ-გასართობი ღონისძიება ჩატარდება 2017 წლის თებერვალი-მარტის თვეში. თარიღი დაზუსტდება ხელშეკრულების გაფორმების დროს. ღონისძიების ხანგრძლივობა - 8 (რვა) საათი. კარტინგის ტრასა და ყველა ზ/აღნიშნული აქტივობა უნდა იყოს ერთიან დახურულ სივრცეში, ქალაქ თბილისში. ორგანიზატორმა უნდა უზრუნველყოს შესაბამისი სივრცის დახურვა სხვა შემომსვლელებისათვის 8 (რვა) საათის განმავლობაში. აღნიშნულ პერიოდში ყველა მონაწილისთვის ყველა აქტივობა უნდა იყოს ხელმისაწვდომი, ორგანიზებული უნდა იყოს რიგები.

2.2.2 ღონისძიებაში მონაწილეობას მიიღებენ ნაძალადევის რაიონის ტერიტორიაზე მცხოვრები სოციალურად დაუცველი და წარჩინებული 15-18 წლამდე ასაკის მოსწავლეები , სულ 220 მონაწილე. მონაწილეთა სია ორგანიზატორს გადაეცემა ხელშეკრულების დადების დროს.

2.3 მომსახურე პერსონალი და პრიზები

2.3.1 საორგანიზაციო ჯგუფი - ზედამხედველი ყველა აქტივობისთვის - 10 კაცი.

2.3.2 სპორტულ ტურნირებში გამარჯვებულთათვის მედლები (პირველი, მეორე და მესამე ადგილისთვის: დიამეტრი არანაკლებ 6მმ; ოქროსფერი-4 ცალი, ვერცხლისფერი-4 ცალი და ბრინჯაოსფერი-4 ცალი; შესაბამისი წარწერით- I, II, III)

2.4 სატენდერო წინადადების ფასი

2.4.1 სატენდერო წინადადების ფასია 10721 (ათი ათას შვიდას ოცდაერთი)ლარი

2.4.3 სატენდერო წინადადებაში ღონისძიების ჩატარების ღირებულების წარმოდგენა დასაშვებია მხოლოდ ეროვნულ ვალუტაში. სხვადასხვა ვალუტაში გამოსახული სატენდერო წინადადებები არ განიხილება.

2.5 გამოცდილება

2.5.1 პრეტენდენტს უნდა გააჩნდეს მინიმუმ 1 (ერთი) ანალოგიური ღონისძიების ჩატარების გამოცდილება. ინფორმაცია გამოცდილების შესახებ წარმოდგენილი უნდა იქნეს დანართი N3-ის შესაბამისად;

2.5.2 იმ შემთხვევაში, თუ დანართი N3-ში მითითებული ღონისძიების შესყიდვა არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, პრეტენდენტის მიერ შესრულების დამადასტურებელი დოკუმენტაცია (ხელშეკრულება და მიღება-ჩაბარების აქტი) უნდა აიტვირთოს სატენდერო წინადადებასთან ერთად.

2.6 ანგარიშსწორების პირობები:

2.6.1 ანგარიშსწორება მოხდება უნაღდო ანგარიშსწორებით ლარებში;

2.6.2 ანგარიშსწორება მიმწოდებელთან განხორციელდება, ღონისძიების ჩატარების შემდეგ, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის განმავლობაში.

2.6.3 წინასწარი ანგარიშსწორება (ავანსი) არ გამოიყენება.

2.7 პრეტენდენტის მიერ სისტემაში ასატვირთი ინფორმაცია და მონაცემები:

2.7.1 ფასების ცხრილი (დანართი N1),

2.7.2 პრეტენდენტის რეკვიზიტები (დანართი N2),

2.7.3 ინფორმაცია ანალოგიური მომსახურების შესრულების შესახებ დანართი N3-ის შესაბამისად;

2.8 ფასწარმოქმნის ადეკვატურობის დადასტურება:

2.8.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია ტენდერისათვის სტატუსის „გამარჯვებული გამოვლენილია“ მინიჭებამდე პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს აუდიტის დასკვნით, (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტის ასლი) რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-12 მუხლის მე-11–მე-14 პუნქტებით განსაზღვრული წესები.

შენიშვნა:

● *პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.*

წინამდებარე სახელმწიფო შესყიდვის შესახებ ხელშეკრულების პროექტი შესაძლებელია შეიცვალოს და საბოლოო სახე მიიღოს სატენდერო წინადადების შესაბამისად.

ხელშეკრულება სახელმწიფო შესყიდვის შესახებ N

----- 2017 წელი

ერთის მხრივ ქალაქ თბილისის მუნიციპალიტეტის ნაძალადევის რაიონის გამგეობა (შემდგომში – შემსყიდველი), წარმოდგენილი ---- სახით და მეორეს მხრივ ---- (“შემდგომში მიმწოდებელი”), წარმოდგენილი ---- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია: **ნაძალადევის რაიონის ტერიტორიაზე არსებული 22 საჯარო სკოლის სოციალურად დაუცველი და წარჩინებული მოსწავლეებისთვის სპორტულ-გასართობი ღონისძიების ორგანიზება: ტურნირი კარტინგში, ბილიარდში და მაგიდის ჩოგბურთში; სხვადასხვა გასართობი აქტივობები: კარაოკე, 7D კინოთეატრი, ტირი, სათამაშო ავტომატები, ეარ ჰოკეი; მინი ალფურშეტი (3 სახის კანაპე, 2 დესერტი, ხილი, გამაგრებელი სასმელი) თანდართული ფასების ცხრილის- დანართი №1-ის შესაბამისად.**

2.2 შესყიდვის საშუალება – გამარტივებული ელექტრონული ტენდერი.

2.3 ელექტრონული ტენდერის განცხადების ნომერი -----.

2.4 ხელშეკრულების ღირებულება შეადგენს ---- ლარს, ყველა გადასახადის ჩათვლით.

2.5 კლასიფიკატორის კოდი - **92600000**.

2.6 ხელშეკრულება ძალაში შედის გაფორმებისთანავე და ძალაშია ----- ჩათვლით.

3. მომსახურების გაწევის პირობები

3.1 შესყიდვის ობიექტის მიწოდების ვადა: 2017 წლის ----- თებერვალი-მარტი

3.2 მიწოდების ადგილია: ქ. თბილისი, -----

4. შესყიდვის ობიექტის ხარისხი

4.1 შესყიდვის ობიექტის ხარისხი უნდა აკმაყოფილებდეს შემსყიდველის მოთხოვნებს.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენელს უფლება აქვს განახორციელოს ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს -----

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების მე-5 მუხლის 5.4 პუნქტში მითითებული პირ(ებ) ი).

6.2. ფასების ცხრილში განსაზღვრული რაოდენობები შესაძლებელია შეიცვალოს მისაწოდებელი საქონლის საჭიროების მიხედვით, რაზეც გაფორმდება შესაბამისი შეთანხმება.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, საქონლის მიწოდების შემდეგ, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

7.3 ხელშეკრულების პირობების დარღვევის შემთხვევაში, მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.

7.4 წინასწარი ანგარიშსწორება არ გამოიყენება

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ ვადაგადაცილებულ დღეზე.

8.3 შესყიდვის ობიექტის (ნაწილის) მიწოდების ვადის 5(ხუთი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.5 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,1%-ის ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) მიმწოდებლის მიერ შესყიდვის ობიექტის მიწოდების ვადის 5 (ხუთი) კალენდარულ დღეზე მეტი ვადით გადაცილების შემთხვევაში.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

10.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია

შეტყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება - მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ღირებულების შეცვლის პირობები

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. მხარეთა იურიდიული რეკვიზიტები

შემსყიდველი:

მიმწოდებელი:

ფასების ცხრილი

სპორტულ-გასართობი ღონისძიების ორგანიზება

პრეტენდენტის დასახელება -----

	დასახელება	განზომილება	რაოდენობა	ერთეულის ფასი	ჯამი
1	დახურული სივრცე სპორტული ღონისძიებების და სხვა გასართობი აქტივობების და ალაფურშეტის ორგანიზებით	საათი	8		
2	მედალი პირველი ადგილისთვის - ოქროსფერი, დიამეტრი არანაკლებ - 6მმ, წარწერა - I.	ცალი	4		
3	მედალი მეორე ადგილისთვის - ვერცხლისფერი, დიამეტრი არანაკლებ - 6მმ, წარწერა - II	ცალი	4		
4	მედალი მესამე ადგილისთვის - ბრინჯაოსფერი, დიამეტრი არანაკლებ - 6მმ. წარწერა - III.	ცალი	4		
5	სასმელი წყალი: ცალი, 0.5 მლ	ცალი	220		
9	ხაჭაპური (4 ნაჭრიანი)	ცალი	60		
10	ლობიანი (4 ნაჭრიანი)	ცალი	60		
11	პიცა (4 ნაჭრიანი)	ცალი	60		
12	ნამცხვარი (შუ ან ეკლერი)	ცალი	220		
13	გაზიანი გამაგრილებელი სასმელი (0,5 მლ)	ცალი	220		
	ჯამი:				

პრეტენდენტის ხელმოწერა და ბეჭედი -----

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი: ელექტრონული მისამართი:

მომსახურე ბანკის დასახელება ბანკის კოდი:

ანგარიშსწორების ანგარიში:

პრეტენდენტის ხელმოწერა და ბეჭედი _____

მონაცემები პრეტენდენტის მიერ განხორციელებული ანალოგიური მომსახურების შესრულების შესახებ

პრეტენდენტის დასახელება _____

N	მომსახურების დასახელება	შემსყიდველის დასახელება	ხელშეკრულების ლირებულება	SPA
1.				
2.				
3.				

შენიშვნა:

პრეტენდენტს უნდა გააჩნდეს მინიმუმ 1 (ერთი) ანალოგიური ღონისძიების ჩატარების გამოცდილება. ინფორმაცია გამოცდილების შესახებ წარმოდგენილი უნდა იქნეს დანართი #2-ის შესაბამისად.

იმ შემთხვევაში, თუ დანართი #2-ში მითითებული ღონისძიების შესყიდვა არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, პრეტენდენტის მიერ შესრულების დამადასტურებელი დოკუმენტაცია (ხელშეკრულება, მიღება-ჩაბარების აქტი) უნდა აიტვირთოს სატენდერო წინადადებასთან ერთად.

ხელმოწერა _____ ბ.ა.

